



Universitätsbibliothek Paderborn

Metropolis Salisvrgensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Ex hac successionis linea praecipuè notandum.

urn:nbn:de:hbz:466:1-13578

IACOBVS PITRICH.

38. Præpositus 38. per compromissum electus, qui nunc præest etiam.
Quo viuo in Coadiutorem postulatus Sereniss. Princeps Ferdinandus junior
vtriusq; Bauarie Dux.
Obiitidem Jacobus Pitrich anno 1594. in mense Decembri.
39. Mortuo Jacobo Pitrich successit in regimen prædictus Serenissimus Princeps
Ferdinandus junior, Comes Palatinus Rheni, vtriusque Bauariae Dux, Coadiutor
Archiepiscopatus & Electoratus Coloniensis, & Administrator Ducalis Berter-
gadensis Pontificia & Imperatoria autoritate confirmatus. Cuius Serenitati
Deus Opt. Max. felix regimen tribuat, eamque diutissimè saluam & in-
columen conseruet.

Ex hac successionis linea præcipue notandum.

Petrum Pierzenauer Præpositum 29. per Bonifacium Papam IX. confirmatum
fuisse; atq; Conradum Tanner Præpositum 20. suffragiis Sedis Apostolice co-
natus Canonicorum & Provincialium repressisse. Item Fridericum Ellinger Præ-
positum 20. Archidiaconatum Romæ obtinuisse pro se & successoribus suis, an-
no Domini 1213. Deinde Henricum Præpositum tertium Archiepiscopatum Se-
lisb. administrasse. Et Iannem Saxonem Præpositum similiter.

COPIA INSTRUMENTI POSTULATIONIS SER.^m
Bauariae Duci Ferdinandi: de qua supra mentio fuit facta.

Nos Jacobus Dei gratia Præpositus & Archidiaconus Monasterij in Berchdesgaden ord. S. Augustini, Canonicorum Reg. Decanus & Capitulum ibidem, testamur in verbo veritatis, & notum facimus, quod nos vigore nostrorum priuilegiorum, atque justis & legitimis de causis animum nostrum mouentibus, & urgentibus, adhibito maturo judicio & consilio, vnanimi voto & consensu, in Coadiutorem postulauerimus, & futurum Præpositorum Berchdesgadens. successorem, Serenissimi Bauariæ Duci Wilhelmi, Domini nostri clementis filium Ferdinandum: sicut eum ipsum tenore præsentium postulamus, ac postulatum velumus, pro ut de jure, vel consuetudine melius potest, non obstante cuiuscunque contradictione, contra liberam nostram eligendi, seu postulandi facultatem, prætensa.

Quam quidem postulationem nostram, vt idem commemoratus Princeps Ferdinandus, & gratiosissimè acceptare, & confirmationem eius nobiscum impetrare dignetur, majorem in modum rogamus. Ea tamen conditione, vt postulatus illustriss. Princeps supradictus, sub spe Regularis professionis quandoque facienda, interim Coadiutoriam non per extraneas personas substitutas, sed per aliquem Canonicum Religiosum hic profellum, administraret, si per se ipsum non commodè potest. vtq; in omnibus, quoad eius fieri potest, morem seruare studeat antiquum in administratione eiusdē. Qua si deinceps liberare se velit, nulli alteri quoquis titulo eam conferat, sed pleno jure Capitulo iterum resignet. In cuius rei fidem, ac testimonium hoc nostrę postulationis scriptum, subscriptione cuiuslibet nostrum, & sigillorum nostrorum appensione, muniri fecimus. Actum in nostro Berchdesgaden, die vicesimo septimo Mensis Iunij, Anno salutis nostræ M. D. XCI.

Jacobus Præpositus & Archidiaconus.

Iohannes Marquardus Anfang. Canonicus & Decanus.

Iohannes Benedictus a Perfall.

Iohannes Mairhofer Senior,

Sebastianus